



## Publicaziuns dalla vischnaunca, jamna 38

### Damondas da baghegiar

#### 2019-1039.000

##### Datum dalla publicaziun: 20 da settember

Il patron: RUI Palancaus GmbH, Via Cons 5, 7180 Disentis/Mustér  
Il representant: RUI Palancaus GmbH, Via Cons 5, 7180 Disentis/Mustér  
Object: Ulivaziun dil terren per construir in plaz da magasin sin ina part dalla parcella 3654 (580 m<sup>2</sup>), Raveras, 7180 Disentis/Mustér  
Intent – Damonda da baghegiar per dall'exposiziun stabiliments enteifer la zona publica:  
publica: da baghegiar

#### 2019-1040.000

##### Datum dalla publicaziun: 20 da settember

Il patron: Vischnaunca Disentis/Mustér, Via Cons 2, 7180 Disentis/Mustér  
Il representant: Biro d'inschignier Iso Mazzetta, Via Lucmagn 7, 7180 Disentis/Mustér  
Object: Remplazzament e completaziun dalla canalisaziun e dallas lingias d'aua schubra a Raveras, completaziun dil scaldament lontan e remplazzament da differents tumbins.  
Intent Damonda da baghegiar per dall'exposiziun stabiliments enteifer la zona publica: da baghegiar

### Protestas:

Ils plans da construcziun ein deponi tier l'administraziun communal Disentis/Mustér. L'exposiziun publica cuoza 20 dis dapi il datum dalla publicaziun. Protestas ein da motivar e d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér.

Disentis/Mustér, ils 17 da settember 2019

*Uffeci da baghegiar Disentis/Mustér*

---

### Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandonts projects:

#### Nr. 2019-2078.000

Severin Mastroianni, Via da Ruschein 28, 7130 Glion: sanaziun dil balcon, parcella 1299, Via Sut Baselgia 5, 7180 Disentis/Mustér.

#### Nr. 2019-2079.000

Christian Maissen, Wisplätz 2, 8595 Altnau: sanaziun dallas garaschas dil baghetg existent, parcella 1274, Via Acletta 41, 7180 Disentis/Mustér.

#### Nr. 2019-2080.000

Armin Berther, Via Foppas 20, 7186 Segnas: lavurs da manteniment vid la via funsila existenta sin parcella 259, Val, 7186 Segnas

Encunter quellas decisiuns san ins protestar a scret enteifer 20 dis dapi la publicaziun alla suprastanza communal.

Disentis/Mustér, ils 17 da settember 2019

*Uffeci da baghegiar Disentis/Mustér*

---



## Cussegl da vischnaunca

### Rapport dalla seduta dils 13-9-2019

En sia seduta dils 13 da settember 2019 ha il cussegl da vischnaunca, sut il tgamun dad Armin Berther, tractau il project da canalisaziun Raveras ed il credit persuerter. Il concept general pigl allontanament e la purificaziun dallas auas (GEP) preveda sper la separaziun dallas auas piarsas era la sanaziun dalla scargada dalla canalisaziun a Raveras ed in'adattaziun dil caliber dalla canalisaziun naven dalla cruschada sin l'altezia dalla parcella 850 (parcella Ronny ed Eveline Zanin) entochen alla serenera. Actualmein ei la Recal SA interessada da colligiar il baghetg dalla Casatec SA a Carcarola cul scaldament lontan. Plinavon sto la Repower AG remplazzar treis tumbins che caschunan dapi onns fastedis concernent il manteniment dalla Via Raveras. Consequentamein san ins nezegiar sinergias enten realisar communablamein il project dalla canalisaziun e dil scaldament lontan. Cun la realisaziun da quei project duess ei esser pusseivel da sliugar – cun resalva da relaziuns meteorologicas extremas – las difficultads dalla deflussiun publica a Raveras. Il cussegl da vischnaunca ha concediu per realisar quei project il credit necessari ell'altezia da frs. 398 000.–.

*Suprastonza communal*

### Referendum facultativ

A caschun da sia seduta dils 13 da settember 2019 ha il cussegl da vischnaunca approbau unanimamein in credit net da frs. 398 000.– per realisar il project da canalisaziun a Raveras. Conform ad art. 21 lit. c dalla constituziun communal ei quella decisiun suttamessa al referendum facultativ. Il messadi davart quella fatschenta ei exponius per investa en casa communal (stanza nr. 10). Enteifer 20 dis dapi la publicaziun officiala han 80 votants la pusseivladad d'inoltrar enviars sura conclus il referendum e pretender ina votaziun dil pievel.

*Suprastonza communal*

---

## Proceduras da baghegiar

### Obligaziun d'annunzia

En tgei cass ei ina procedura da baghegiar d'annunziar:

#### Damonda da baghegiar:

- La construcziun da novs edificis e stabiliments
- L'engrondaziun d'edificis e stabiliments existents
- Midadas egl intern digl edificis e stabiliment cun consequenza sin igl uorden da gudiment (p.ex. la classificaziun tenor il consum d'aua, il diember da parcadis ni il diever da habitaziuns (primaras e secundaras).
- La sanaziun da tetgs
- Stabiliments e menaschis da plazzas da campar, cavas da crappa e gera
- Midadas da terren ordeifer la zona da baghegiar
- Tuts projects che pretendan ina lubientscha digl uffeci davart il svilup dil territori dil cantun Grischun
- Stabiliments d'avertura

#### Documentaziun per la damonda da baghegiar:

- Plan da situaziun 1:500
- Plans da scadina alzada en proporziun cun indicar la grossezia dallas preits (mirs), igl intent dallas stanzas, las mesiras da finiastras, escha e scalas. Il material e la mesira dils indrezs da scaldament
- Plan el tagl vertical
- Plan da fatschada en proporziun
- Plans da project per lavurs vid il contuorn cun las modificaziuns da terren, mirs da sustegn, seivs etc.
- Cuorta descripziun da construcziun cun indicar igl intent, l'execuziun ed il parcadi
- Calculaziun detagliada dalla cefra d'utilisaziun e dils parcadis
- Indicaziun approximativa dils cuosts da baghegiar
- Documents per cundrezs suttamess alla polizia da fiug
- Documents per la protecziun civila
- Mussament d'energia (era mo per parts da baghetgs)
- Decisiun preliminar da dall'assicuranza da baghetgs per edificis en zona da prighel
- Declaronza davart la reutilisaziun dils rufids da baghetgs



- Mussaments d'immissiun per stabiliments enteifer il cataster d'immissiuns ni cun atgna producziun da canera
- Mussaments per lubientschas da scavament e sondaziuns per aua sutterrana e pumpas da calira
- Eventualas convegnientschas cun convischins ed impurtaziuns el cudisch funsil
- Declaronza davart igl intent da habitar (habitaziuns secundaras)

#### **Annunzia da baghegiar:**

- Tuttas lavurs ni midadas d'intent pintgas ein d'annunziar cun ils plans, skizzas ni fotografias corrispudentas.

Quella gliesta ei exemplara. Tenor project basegna ei mo ina part dil documents numnai. Tier edificis e stabiliments ordeifer la zona da baghegiar, sper vias cantunalas, menaschis da lavur e mistregn (incl. ustrias) sco era per baghetgs enteifer la zona forestala basegna ei lubientschas supplementaras. En cass da damondas dat igl uffeci da baghegiar (tel. 081 920 36 46 ni e-mail: [baghegiar@disentis.ch](mailto:baghegiar@disentis.ch)) bugen sclariment. Nus supplichein Vus da prender enconuschientscha da quellas reglas ed engraziein per Vossa collaboraziun.  
*Suprastonza communal Disentis/Mustér*

---

#### **Proceduras da baghegiar**

##### **Obligaziun d'annunzia**

Tenor art. 64, al. 2 dalla lescha da baghegiar ein projects da baghegiar sebasond sin art. 40, al. 1 dall'ordinaziun davart la planisaziun dil territori pil cantun Grischun (OPT) suttamess all'obligaziun d'annunzia.

Buca suttamess all'obligaziun d'annunzia ein classenas moviblas duront il temps da pasculaziun (art. 40, al. 1, lit. 19 OPT) ed installaziuns da plazzals, aschinavon ch'ellas caschunan buca considerablas immissiuns. Excepiu ein dormitoris per il persunal (art. 40, al. 1, lit. 22 OPT) ch'ei suttamess alla procedura da baghegiar. Sanaziuns da baghetgs, che han per consequenza che la valeta dil baghetg s'augmenta, ein en mintga cass suttamessas all'obligaziun d'annunzia.

Suenter che las lavurs da sanaziun ein terminadas, ei ladinamein da far ina corrispudenta annunzia agl uffeci per la valetaziun d'immobilies dil cantun Grischun, Glion. Cheutras vegn evitau che baghetgs restan sutvaletai. En cass da donns sa quei haver consequenzas gravontas.

All'annunzia resp. alla damonda da baghegiar eis ei d'aschuntar ils documents e plans necessaris.

Annunzias ni damondas da baghegiar buca cumpletas vegnan returnadas als petents.

Ils formulars per las differentas damondas da baghegiar stattan a disposiziun sin la pagina d'internet dalla vischnaunca [www.disentis.ch](http://www.disentis.ch) / Spurtegl virtual / Uffeci da baghegiar – ni ch'els san vegnir retratgs al spurtegl dall'administraziun communal.

*Suprastonza communal Disentis/Mustér*

---

#### **Taxa da cumpensaziun da pumpiers 2019**

L'obligaziun da far pumpiers entscheiva all'entschatta digl onn ch'ins cumplenescha il 21avel onn da naschientscha e finescha alla fin digl onn ch'ins ha cumplenu il 45avel onn da naschientscha. Tgi che presta buca survetsch activ ha da pagar ina taxa da cumpensaziun.

Tenor art. 15 dalla lescha da pumpiers dalla vischnaunca da Mustér ein students ed emprendists entochen 25 onns deliberai dalla taxa da cumpensaziun. Sur 25 onns ei l'entira taxa debitada. Termin da tagl ei ils 30 da settember. Ei dat negins quens pro rata.

Nus fagein attents tut ils **students ed emprendists sur 21 onns** d'inoltrar a scret ina confirmaziun actuala dalla scola ni digl emprendissadi. Il mussament ei da tarmetter entochen sil pli tard gliendisdis, **igl 1. d'october 2019** all'administraziun communal, caum postal 57, 7180 Disentis/Mustér ni per e-mail ([rangelin@disentis.ch](mailto:rangelin@disentis.ch)). Mo cun ina confirmaziun a scret sa la deliberaziun vegnir risguardada.

Gia ordavon grond engraziament per las breigias.

*Administraziun communal*



## Rimnada da pupi

### Venderdis, ils 4-10-2019

Adatg! Ei vegn mo rimnau:

gasettas, illustradas, catalogs, cudischs e prospects stampai. Il pupi sto vegnir deponius sper via (sche pusseivel in di avon). Igl ei impurtont da ligiar bein il pupi e da buca far memia gronds pacs. Engraziel. Nus rimnein buca cartun. Quel sa vegnir deponius a Raveras igl entir onn ora, e quei las mesjamnas (16.00–17.30) e sondas (10.00–12.00) e buca durant la rimnada.

Bien engraziament per Vies agid e sustegn!

*Nossa Scola Populara, Mustér, Ch. Berger*

---

## Fiera da resti d'affons cun stiva da caffè

### Buffet da pettas e per ils affons in cantun da termagliar!

Nus prendein encunter bien, schuber ed entir resti da stad e d'unviern tochen grondezia 176, vestgadira da gravidonza, termagls, calzers, sezs d'autos e da meisa, crotschas, velos, capellinas, skis, scarsolas eav. Dunnas che drovan ina nova numera ni ha damondas san prender si contact cun Helen Lutz, tel. 079 565 06 35

**Dar giu resti: Venderdis, ils 20 da settember 2019** dallas 16.30 entochen allas 17.00 en halla Cons, Mustér **Adatg:** per plascher mintga grondezia da resti separau en ina tastga!

**Vendita: Venderdis, ils 20 da settember 2019** dallas 19.00 entochen allas 21.00 e

**sonda, ils 21 da settember 2019** dallas 9.00 entochen allas 10.30 en halla Cons, Mustér.

**Retuorn dil resti buca vendiu e pagament (minus 20%): Sonda, ils 21 da settember 2019** allas 12.30 entochen allas 12.45. Per uorden che maunca savein nus surpender negina responsabladad. Vegni e mirei, e forsa veis gie aunc gust da star in mument da cumpignia en nossa stiva da caffè!

---

## Kinderkleiderbörse mit Kaffeestube

### Kuchenbuffet und für die Kinder gibt es eine Spielecke!

Wir nehmen gut erhaltene, saubere und ganze Sommer-sowie Winterkleider bis Grösse 176 entgegen, Schwangerschaftskleider sowie Spielsachen, Schuhe, Auto- und Tischsitze, Kinderwagen, Velos, Helme, Ski, Schlitten usw. Frauen, die eine Nummer brauchen oder Fragen haben, können mit Helen Lutz, Telefon 079 565 06 35, Kontakt aufnehmen.

**Annahme: Freitag, 20. September 2019** von 16.30 Uhr bis 17 Uhr in der Turnhalle Cons, Disentis

**Achtung:** Bitte jede Kleidergrösse separat in eine Tasche!

**Verkauf: Freitag, 20. September 2019**, von 19 Uhr bis 21 Uhr und **Samstag, 21. September 2019**, von 9 Uhr bis 10.30 Uhr in der Turnhalle Cons, Disentis.

**Auszahlung (abzüglich 20%) und Rückgabe: Samstag, 21. September 2019**, von 12.30 Uhr bis 12.45 Uhr.

Für fehlende Sachen können wir keine Haftung übernehmen. Kommt und schaut und vielleicht bleibt danach noch ein wenig Zeit für unsere Kaffeestube! Nus selegrein sin vossa viseta

*Uniun da dunnas Disentis/Mustér,  
gruppa d'organisaziun fiera da resti*

---

## Herbst-Kindertreff im Aua Viva

Am **Mittwoch, 25. September**, treffen wir uns von 15.30–17 Uhr zum Kindertreff im Aua Viva. Wir wollen zusammen singen, Geschichten hören, basteln, spielen und Spass haben! Der Kindertreff steht unter dem Motto «Herbst» und ist offen für reformierte und andere interessierte Kinder von ca. vier bis zehn Jahren. Auch Eltern sind willkommen, wenn dies die Kinder wünschen. Weitere Auskünfte und Anmeldung bei Bettina Müller Hendry, 078 808 58 53. Wir freuen uns auf einen fröhlichen Nachmittag! *Yvette Riesen, Eva-Katharina Tomaschett, Susanne Strupler, Bettina Müller Hendry*



### Uniun da dunnas Disentis/Mustér

#### Sentupada cun affons pigns e geniturs

La gruppa da seruschnar/termagliar dat la caschun als affons pigns ed als geniturs da sentupar, paterlar e termagliar. Tut ils affons entochen treis onns (cun fargliuns e geniturs) ein cordialmein beinvegni allas sentupadas meinsilas. Las sentupadas duessan plinavon era far queidas als affons da visitar pli tard la gruppa da termagliar «artgin» che ha liug el medem local e nua ch'ils affons stattan persuls duas uras cun las menadras e quei inaga ad jamna. Pils affons eis ei sco d'entrar ella tiara dalla cucagna cun massa novs termagls e tut quei da cumpignia. Vegni e mirei, nus selegrein sin vossa viseta.

Proxima sentupada: **gievgia, ils 26 da settember 2019**

Temps: 15.00–16.30

Liug: Casa da scola Segnas, local artgin, ella 1 alzada Prender cun: marena e scalfins Ulteriuras

informaziuns e datums anfleis Vus sut [www.uddm.ch](http://www.uddm.ch)

Cordialmein envida *Uniun da dunnas, ressort affons*

---

### Uniun da gymnastica UGM

La gymnastica per seniors e giuven seniors entscheiva **gliendisdis, ils 23 da settember 2019** allas 20.00 el center da sport e cultura. Novizs ein cordialmein beinvegni.

Amicabels salids *La suprastonza*.

---

### Colonna d'agid Mustér

#### Cuors da reiver per affons

Gia dapi biars onns organisescha la Colonna d'agid Mustér mintga stad cuors da reiver per affons. Per dar era igl atun la pusseivladad da trenar da reiver, vegn organisau duront otg mesjamnas-sera in cuors da reiver per affons dallas annadas 2011 entochen 2007.

Liug: Halla da reiver el Center da sport e cultura, Mustér

Entschatta: **mesjamna, ils 23-10-2019 entochen miez december 2019**. Annadas 2011 entochen 2007 17.30–19.00

Menaders: Commembers dalla Colonna d'agid Mustér cun brevet Juventetgna + sport

Annunzias: Entochen gliendisdis, ils 21-10-2019 alla Colonna d'agid Mustér,

Otmar Venzin tel. 079 381 25 52.

Segirada ei caussa da mintga participont/a.

*Colonna d'agid Mustér*

---

### Invitaziun Seniors-Ca

**Gievgia, ils 26 da settember 2019** allas 13.30 ell'ustria «Crestas» a Segnas tier troccas/jass/giugs e caffè/petta. Pusseivladad da gentar allas 12.00 ell'ustria «Crestas» a Segnas cun salata, plat principal per in prezi favoreivel. Annunzia pil gentar tochen gliendisdis, ils 23-9-2019 allas 17.00 a Puntreis sut 081 929 56 56. Indicar sche druveis transport. Transport: allas 11.45 ni 13.15 sper Puntreis ni Cuca-gna.

---

### Sera da troccas a Mustér

Nus lein puspei envidar ad ina sera da troccas per in e scadin. L'emprema sera ha liug

**mardis, igl 1. d'october 2019** naven dallas 19.00 el hotel «La Furca». Era novizs che vulan emprender da dar troccas ein cordialmein beinvegni. Cordialmein envidan

*Ils organisateurs dalla sera da troccas*